

Облыс әкімі жанындағы діни бірлестіктермен байланыстар жөніндегі кеңесті құру туралы

Күшін жойған

Қызылорда облысы әкімінің 2000 жылғы 25 қыркүйектегі № 319 шешімі. Қызылорда облысының Әділет басқармасында 2000 жылғы 14 қарашада № 427 болып тіркелді. Күші жойылды - Қызылорда облысы әкімдігінің 2007 жылғы 15 ақпандағы № 61 қаулысымен

Ескерту. Күші жойылды - Қызылорда облысы әкімдігінің 15.02.2007 № 61 қаулысымен.

Қазақстан Республикасы Үкіметінің 2000 жылғы 6 мамырдағы № 683 "Діни бірлестіктермен байланыстар жөніндегі кеңесті құру туралы" қаулысын жүзеге асыру және жергілікті мемлекеттік органдардың діни бірлестіктермен өзара үйлесімді қарым-қатынасын қамтамасыз ету мақсатында **ШЕШІМ ЕТЕМІН:**

1. Консультативтік-кеңесші орган ретінде облыс әкімі жанынан Діни бірлестіктермен байланыстар жөніндегі кеңес (бұдан әрі - кеңес) құрылсын.

2. Қоса беріліп отырған кеңестің ережесі мен құрамы бекітілсін.

С. НҰРҒИСАЕВ

Қызылорда облысы әкімінің
2000 жылғы 25 қыркүйектегі
№ 319 шешімімен бекітілген

Облыс әкімі жанындағы діни бірлестіктермен байланыстар жөніндегі кеңестің

ҚҰРАМЫ

Ерімбетов Нұрлан Кенжебекұлы - облыс әкімінің орынбасары, кеңес төрағасы
-кеңес хатшысы

Кеңес мүшелері:

Әуезов Әбілда Ерғалиұлы -Қазақстан мұсылмандары діни басқармасының облыстағы өкілі, облыстың бас имамы (келісім бойынша)

Виталий әкей (Ивашинин Виталий Александрович) - "Казанская Икона Божьей Матери" православие шіркеуінің настоятелі (келісім бойынша)

Жәнібеков Жұмабай - облыстық білім департаментінің бөлім меңгерушісі

Жұмабаев Асылбек Теңелұлы - облыстық ақпарат және қоғамдық келісім басқармасының бастығы

Қазанғапов Серік Өтеуліұлы - облыстық әділет басқармасы бастығының орынбасары

Қожамжаров Темірболат Жанайдарұлы - облыс прокурорының орынбасары (келісім бойынша)

Құдайбергенов Қазыбай Құдайбергеноұлы - Қорқыт Ата атындағы Қызылорда мемлекеттік университетінің ғылыми жұмыстар жөніндегі проректоры

Мырзабекұлы Толысбек - облыстық ішкі істер басқармасы бастығының орынбасары

Омаров Тоқшылық - Қорқыт Ата атындағы Қызылорда мемлекеттік университетінің доценті, философия ғылымының кандидаты

Сағымбайұлы Кемалбек - Қазақстан халықтары облыстық Ассамблеясы атқару хатшылығының меңгерушісі

Қызылорда облысы әкімінің
2000 жылғы 25 қыркүйекте
N 319 шешімімен бекітілген

Қызылорда облысы әкімі жанындағы Діни бірлестіктермен байланыстар жөніндегі кеңес туралы ЕРЕЖЕ

1. Жалпы ережелер

1. Діни бірлестіктермен байланыстар жөніндегі кеңес (бұдан әрі - Кеңес) Қызылорда облысы әкімі жанындағы консультативтік-кеңесші орган болып табылады.

2. Кеңес өз қызметінде Қазақстан Республикасының Конституциясын, заңдарын, жоғарғы органдардың актілерін, өзге де нормативтік-құқықтық актілерді, сондай-ақ осы Ережені басшылыққа алады.

3. Кеңес өз қызметін облыстың мемлекеттік органдарымен, діни және басқа да қоғамдық бірлестіктермен бірлесе отырып атқарады.

4. Кеңес өз шешімдерін ұсынымдық сипатта шығарады.

2. Кеңестің мақсаты, міндеттері мен функциялары

5. Кеңестің мақсаты - облыс азаматтарының дін ұстану бостандығы құқықтарын қамтамасыз ету саласындағы мемлекеттік саясат, қоғамдағы діни келісімді нығайту, конфессия аралық қатынастар үйлесімі мәселелері жөнінде ұсыныстар мен ұсынымдар әзірлеу болып саналады.

6. Кеңестің негізгі міндеттері мыналар:

1) облыстағы діни ахуалды және оның даму барысын жан-жақты зерттеп, әділ қорытындылар шығарып тұру, талдау жасау;

2) азаматтардың дін ұстану бостандығы құқықтарын қамтамасыз ету саласындағы мемлекеттік саясатты жүзеге асыру жөнінде ұсыныстар әзірлеу;

3) облыстағы діни ахуаддың жай-күйі және дін ұстану бостандығы туралы Заңның сақталуы туралы мемлекеттік органдарды хабардар етіп тұру;

4) облыста тіркелген діни бірлестіктер туралы ақпараттық деректер банкін қалыптастыру;

5) діни бірлестіктер арасындағы өзара түсіністік пен төзімділікті нығайту және оларға Қазақстан Республикасының заңнамасына сәйкес консультативтік көмек көрсету болып табылады.

7. Кеңес өзіне жүктелген міндеттерге сәйкес заңнамада белгіленген тәртіппен мынадай қызметтер атқарады:

1) азаматтардың дін ұстану бостандығы және діни бірлестіктермен өзара іс-қимыл құқықтарын қамтамасыз етуде мемлекеттік саясаттың негізгі бағыттарын қалыптастыруға қатысады;

2) облыс аумағында құрылған діни бірлестіктердің және шетел миссионерлерінің қызметін зерттеуді жүзеге асырады, олар туралы деректер жинастырады;

3) ақпараттық-насихаттық іс-шараларды жүзеге асырады;

4) азаматтардың дін ұстану бостандығы құқықтарын қамтамасыз ету саласындағы мемлекеттік саясат мәселелері жөніндегі консультативтік жұмысты орындайды;

5) дінтану сараптамаларын жүргізуді қамтамасыз етеді, қажеттілігіне қарай бұл үшін тиісті мамандарды тартады;

6) өзіне Қазақстан Республикасының заңнамасымен жүктелген өзге де функцияларды жүзеге асырады.

3. Кеңестің қызметін ұйымдастыру және жұмыс тәртібі

8. Кеңесті Қызылорда облысы әкімі орынбасарларының бірі басқарады.

9. Кеңестің мәжілістері үш айда кемінде бір мәрте өткізіледі. Кеңестің кезектен тыс мәжілісі Кеңес төрағасының жеке бастамасы бойынша немесе Кеңес мүшелерінің жалпы санының кемінде үштен бірінің өтініші бойынша шақырылады.

10. Кеңес мәжілісі оның жұмысына кеңес мүшелерінің жалпы санының кемінде үштен екісі қатысса, заңды болып есептеледі. Кеңестің шешімдері мәжіліске қатысқан Кеңес мүшелері жалпы санының көпшілік даусымен қабылданады. Дауыстар тепе-теңдігі кезінде Кеңес төрағасының дауысы шешуші болып табылады.

11. Кеңес өзіне жүктелген міндеттерді жүзеге асыру үшін заңнамада белгіленген тәртіппен мыналарға:

1) мемлекеттік органдардан, діни ұйымдар мен жеке тұлғалардан Кеңес құзырына жататын мәселелер бойынша қажетті ақпарат сұратуға;

- 2) облыс әкімі аппараты мен жергілікті мемлекеттік органдардың ақпараттық деректер банкіні пайдалануға;
- 3) заңнамада белгіленген тәртіппен ғылыми ұйымдарды, тәуелсіз сарапшылар мен мамандарды құжаттар әзірлеуге тартуға;
- 4) азаматтардың дін ұстану бостандығы құқықтарын қамтамасыз ету саласындағы республика заңнамасын бұзған діни бірлестіктер мен шетелдік миссионерлердің қызметіне тыйым салу жөнінде ұсыныстар енгізуге;
- 5) Кеңес құзыретіндегі мәселелерге қатысты нормативтік құқықтық актілер жобаларын әзірлеуге қатысуға;
- 6) Кеңес құзыретіне қатысты мәселелер бойынша ресми түсініктемелер беруге;
- 7) Заңнамаға сәйкес өзге де өкілеттіктерді жүзеге асыруға құқылы.

4. Кеңестің қызметін қамтамасыз ету

12. Кеңестің төрағасын, хатшысын және мүшелерін облыс әкімі бекітеді.
13. Төраға болмағанда оның функциялары Кеңес хатшысына жүктеледі.
14. Кеңес хатшысы Кеңес хатшылығы қызметіне басшылық жасайды.
15. Кеңес облыстағы жетекші конфессиялар басшылары, дінтанушы ғалымдар, мемлекеттік басқару органдарының қызметкерлері қатарынан құрылады. Кеңес мүшелері өз міндеттерін қоғамдық негізде атқарады.
16. Кеңес қызметін ұйымдық-талдамалық қамтамасыз етуді оның жұмысшы органы ретінде Кеңес хатшылығы жүзеге асырады.
17. Кеңес хатшылығы өзіне жүктелген міндеттерді орындау үшін заңнамада белгіленген тәртіппен:
 - 1) Кеңес қызметін ұйымдастырушылық, ақпараттық-талдамалық, әдістемелік және өзге де қамтамасыз етуді жүзеге асырады;
 - 2) Кеңес мәжілісінде қабылданатын және оның төрағасын бекітетін жұмыс жоспары жөніндегі ұсыныстарды Кеңестің қарауына енгізеді;
 - 3) Кеңес мәжілістерінің күн тәртібін жасайды;
 - 4) Кеңес мәжілістерінің жұмысын дайындайды, Кеңес мүшелерінің өзара іс-қимылын ұйымдастырады, істі жүргізеді;
 - 5) өзге де өкілеттіктерді жүзеге асырады.